



BENEDICTUS EPISCOPUS

SERVUS SERVORUM DEI

ad perpetuam rei memoriam.



IN APOSTOLICÆ DIGNITATIS fastigio Divina disponente clementia, meritis licet imparibus constituti, ad ea potissimum vigiles cordis nostri curas impendimus, per quæ inter Personas in Dignitate Ecclesiastica constitutas, ac præsertim ovium Pastores, ea potissimum quies, & tranquillitas foveatur, quæ Christi gregis decet custodes, & illa per quæ aliquando ipsa quies, & tranquillitas perturbatur tollere sedulò procuramus, ut iurgiorum, quæ à tenebrarum Principe suam trahunt originem semotis occasionibus, fraternus reviviscat amor, & unanimi corde Summo Datori, & Patri luminum incessantes persolvantur laudes, quæ, ut eveniant, & iam erectarum unione, & novarum Dignitatum erectione faciliores vias aperire studemus, pro ut rerum, locorum, & temporum conditionibus maturè pensatis, conspiciamus in Domino salubriter expedire. Dudum siquidem omnes Dignitates in Collegiatis Ecclesijs principales, & valorem annum decem Florenorum auri communi æstimatione excedentes tunc vaccantes, & in posterum vaccaturas, collationi, & dispositioni nostræ reservavimus Decernentes ex tunc irritum, & inane si secus super his à quoquam, quavis auctoritate scienter, vel ignoranter contingeret attentari. Cum itaque postmodum Decanatus de Tudela nuncupatus, Sæcularis, & Collegiatæ Ecclesiæ oppidi Civitatis nuncupati de Tudela Tirasonensis Diœcesis, qui inibi Dignitas principalis existit, & valorem annum de-

cem

cem Florenorum auri huiusmodi, communi æstimatione prædicta excedit, cum ei annexis Cannonicatu, & Præbenda eiusdem Collegiatae Ecclesiae, quem quondam Hieronymus La Pazza ipsius Ecclesiae Decanus dum viveret obtinebat, per obitum eiusdem Hieronymi, qui extra Romanam Curiam, diem clausit extremum vaccaverit, & vacet ad præsens, nullusque de illo præter Nos dispo- nere potuerit, siue possit, reservatione, & decreto obsisten- tibus supradictis, & sicut Nobis innotuit, alias nonnullæ lites, & causæ, seu questionis materiæ inter pro tempore existentes Decanos dictæ Collegiatae Ecclesiae, ac prædi- ctum Hieronymum ex vna, & pro tempore existentes, ac Venerabilem fratrem nostrum Modernum Episcopos Tira- sonenses ex altera partibus, super prætensa eiusdem De- cani omnimoda exemptione à iurisdictione prædicti Epif- copi Tirasonensis, & alijs punctis iurisdictionalibus, à plu- ribus annis vsque adhuc viguerint, & vigeant de præsentibus: Nos igitur litibus huiusmodi, prout Pastoralis officij no- stri cura requirit quantum cum Domino possumus ob- viare, ac pacem, & concordiam, animorumque tran- quillitatem inter Personas Ecclesiasticas, præsertim Ponti- ficali, & quavis alia Dignitate præditas conservare cu- pientes, ipsumque Modernum Episcopum Tirasonen- sem à quibusvis suspensionis, & interdicti, alijsque Ec- clesiasticis sententijs, censuris, & penis, si quibus quomo- dolibet innodatus existit ad effectum præsentium tan- tum consequendum harum serie absolventes, & absolu- tum fore censentes Motu proprio, non ad eiusdem Mo- derni Episcopi Tirasonensis, vel alterius pro eo Nobis super hoc oblatae petitionis instantiam, sed ex certa scientia meraque deliberatione nostris, deque Apostoli- cæ potestatis plenitudine, omnes lites, & causas huius- modi, vt præfertur à pluribus annis pendentes super di-

34

Etā prætensa exemptione eiusdem Decani, à prædicti Episcopi iurisdictione, & super alijs punctis iurisdictionalibus ad Nos avocantes, easque penitus, & omnino extinguentes, & quibuscumque Personis super hoc interesse habentibus, seu habere prætendentibus, perpetuum silentium desuper imponentes, prævia separatione, & divisione Canonatus, & Præbendæ prædictorum ab eodem Decanatu, Decanatum prædictum, vt præfertur vacantem cum illius iurisdictione spirituali, tam in dicto Oppido, quam in alijs locis dicti Decanatus, ad præsens ad eundem Decanatum quomodolibet spectante, & pertinente, vnà cum Palatio, seu Domo Decanali, penes dictam Collegiatam Ecclesiam existente, necnon Archivio, & Carcere, & cum omnibus alijs exemptionibus, quocumque nomine nuncupatis, & etiam alias ad Decanatum prædictum, vt præfertur spectantibus, & pertinentibus, Episcopatu Tirasonensi, ita, vt Modernus, & pro tempore existens Episcopus Tirasonensis, semper Decanus de Tudela nominetur, & sit; perpetuo vnimus, annectimus, & incorporamus, seu quatenus opus sit iurisdictionem spirituales eiusdem Decanatus, cum Palatio, seu Domo Decanali, necnon Archivio, & Carcere prædictis in Dignitatem Episcopalem Tirasonensem etiam perpetuò transferimus: ita tamen quod prædictus Modernus, & pro tempore existens Episcopus Tirasonensis, plenè, & liberè possit exercere suam omnimodam iurisdictionem in dicto Oppido de Tudela & in locis omnibus alijs ad iurisdictionem dicti Decanatus pertinentibus, eodem modo, quo ea vtitur in reliquis locis suæ Diocesis: Pro ea tamen cum maiori commodo personarum pertinentium ad loca dicti Decanatus exercenda, constituere debeat Vicarium, qui inibi nomine suo, eandem iurisdictionem exercent, quam Decanus in dictis

lo-

locis exercebat, & ibi cognoscat de causis de quibus dictus Decanus cognoscebat. Ita, & taliter quod vnio predicta tantummodo de dicto Decanatu cum iurisdictione, Palatio, seu Domo Decanali, nec non Archivio, & Carcere predictis non vero de fructibus, redditibus, & proventibus ad Decanatum predictum, sicuti nec de illis ad Canonicatum, & Præbendam predictos eidem Decanatu, vt præfertur annexos, & per Nos ab eodem Decanatu, vt præfertur separatos, de quibus etiam per Nos, alteri iam provisum fuit, respectivè pertinentibus intelligatur, & sit. Ac insuper Nos ex certis causis Nobis notis, & animum nostrum moventibus, Motu simili in dicta Collegiata Ecclesia vnum Archidiaconatum de Tudela nuncupandum futuram Dignitatem in eadem Collegiata Ecclesia principalem, qui seorsim, & separatim à dictis Canonicatu, & Præbenda per Sedem Apostolicam tantum provideri debeat, pro vno Archidiacono de Tudela nuncupando, eiusdem Collegiatæ Ecclesiæ, qui apud ipsam Collegiatam Ecclesiam residere debeat, & teneatur, cum omnibus, & singulis privilegijs, libertatibus, immunitatibus, exemptionibus, prærogativis, antellationibus, præminentijs, gratijs, favoribus, honoribus, insignijs, & indultis alias Dignitates dictæ Collegiatæ Ecclesiæ obtinentibus quomodolibet, & quandocumque concessis, & in posterum concedendis: Ita quod Archidiaconatum per præsentem, vt infra erigendum huiusmodi pro tempore obtinens, stallum in Choro, & locum in Processionibus, alijsque actibus Capitularibus habere, ac voce activa, & passiva in Capitulo dictæ Collegiatæ Ecclesiæ, necnon omnibus, & singulis alijs gratijs tam spiritualibus, quam temporalibus, quibus alij, ceteras dictæ Collegiatæ Ecclesiæ Dignitates obtinentes ratione suarum Dignitatum de iure, usu,

styl.

5

stillo, consuetudine, aut alias quomodolibet vtuntur, fruuntur, potiuntur, & gaudent, ac vti, frui, potiri, & gaudere possunt, & poterunt, quomodolibet in futurum pariformiter, & æquè principaliter, & absque vlla prorsus differentia in omnibus, & per omnia, & omnino quoad omnia, vti, frui, potiri, & gaudere liberè, & licitè possit, & valeat, dicta Apostolica auctoritate etiam perpetuo erigimus, & instituimus, illique sic erecto, & instituto pro illius Dote, illumque pro tempore obtinentis congrua sustentatione, omnia, & singula dicti Decanatus per Nos sic, vt præfertur vniti tantum fructus, redditus, & proventus iura obventiones, & emolumenta quæcumque similiter perpetuò applicamus, & appropriamus. Decernentes easdem præsentis vllò vnquam tempore, etiam ex eo, quod interesse habentes, seu habere prætendentes ad id vocati non fuerint, nec suum desuper præstiterint consensum, & ex quibusvis alijs, etiam hic necessario exprimendis causis, de subreptionis, vel obreptionis, aut nullitatis vitio, vel intentionis nostre, seu quopiam alio, etiam substantiali defectu notari, impugnari, annullari, inuallidari, retractari, in ius, vel controversiam vocari, ad viam, & terminos iuris reduci, aut aduersus illas, quancumque iuris, vel facti, aut gratiæ remedium impetrari, aut etiam Motu simili concedi nullatenus posse, sed illas semper, & perpetuò validas, & efficaces existere, nec sub quibusvis similibus vel dissimilibus gratiarum revocationibus, suspensionibus, limitationibus, derogationibus, Cancellariæ Apostolicæ regulis, & alijs contrarijs dispositionibus, etiam per Nos, & successores nostros Romanos Pontifices pro tempore existentes quomodolibet factis, & concessis, ac faciendis, & concedendis comprehendendi, sed semper ab illis excipi, & quotiescumq; illas emanare cõtigerit, toties in pristinum,

&

& validissimum statum restitutas, repositas, & plenariè
 reintegratas, ac de novo etiam sub quacumque posteriori,
 Data, per pro tempore existentem Episcopum Tiraso-
 nensem, Episcopatum Tirasonensem, dictumque Archi-
 diaconatum pro tempore obtinentes quandocumque eli-
 genda concessas validas, & efficaces fore, & esse, suos-
 que plenarios, & integros effectus sortiri, & obtinere,
 sicque, & non alias per quoscumque Judices Ordinarios,
 vel Delegatos, quacumque auctoritate fungentes, etiam
 causarum Palatii Apostolici Auditores, ac Sanctæ Ro-
 manæ Ecclesiæ Cardinales, etiam de Latere Legatos, &
 Vice Legatos, Sedisque Apostolicæ Nuncios, sublata eis,
 & eorum cuilibet, quavis aliter iudicandi, & interpre-
 tandi facultate, & auctoritate iudicari, & definiri debe-
 re, irritumque, & inane si secus super his per quoscum-
 que quavis auctoritate scienter, vel ignoranter contige-
 rit attentari. Non obstantibus quatenus opus sit nostra,
 & Chancelleriæ Apostolicæ prædictæ regula de jure que-
 sito non tollendo, alijsque quibusvis Apostolicis consti-
 tutionibus, & ordinationibus, dictæque Collegiatæ Ec-
 clesiæ, etiam iuramento, confirmatione Apostolica, vel
 quavis firmitate alia roboratis statutis, & consuetudini-
 bus, privilegijs quoque indultis, & litteris Apostolicis
 eidem Collegiatæ Ecclesiæ, illiusque Capitulo, & Cano-
 nicis, alijsque quibusvis Superioribus, & Personis, sub
 quibuscumque tenoribus, & formis, & cum quibusvis
 etiam derogatorijs derogatorijs, alijsque efficaciori-
 bus, efficacissimis, & insolitis clausulis irritantibusque &
 alijs Decretis in genere, vel in specie, etiam in contra-
 rium præmissorum quomodolibet concessis, pluriesque
 innovatis. Quibus omnibus, & singulis, etiam si de illis,
 eorumque totis tenoribus specialis, specifica, & indivi-
 dua, non autem per clausulas generales idem importan-
 tes

tes mentio, seu quævis alia expressio habenda, aut aliqua alia exquisita forma ad hoc servanda foret, eorum tenores præsentibus pro plenè, & sufficienter expressis, ac de verbo ad verbum insertis habentes, illis alias in suo robore permansuris ad præmissorum effectum hac vice dumtaxat latissimè, & plenissimè, ac specialiter, & expressè Motu pari derogamus, ac derogatum esse volumus cæterisque contrarijs quibuscumque. Nulli ergo omnino hominum liceat hanc paginam nostræ absolutionis, causarum avocationis, litium extinctionis, silentij impositionis, vnionis, annexionis, incorporationis, translationis, erectionis, institutionis, applicationis, appropriationis, decreti, derogationis, & voluntatis infringere, vel ei ausu temerario contraire: si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum eius, se noverit incursum. Datum Romæ apud Sanctum Petrum Anno Incarnationis Dominicæ millesimo septingentesimo vigesimo octavo, quarto decimo calendas Julij Pontificatus nostri anno quinto.

Loco ✠ plumbi. Benedictus Papa XIII.

